



UNIVERSITÄTS-
BIBLIOTHEK
PADERBORN

Universitätsbibliothek Paderborn

MARTYROLOGIVM.|| DER Kirchenkalen=||der/

Canisius, Petrus

Dillingen, 1599

VD16 M 1284

5 d Wendel Abt zũ Tol in Westerreich.

urn:nbn:de:hbz:466:1-41449

Julius

Item des heyligen Domitiani des jüngers Landelini.

Item die erhebung des H. Wilhelmi / Grafen zu Pictavia vnd beichtigers / von welchem am 10. tag Junij / vnd am 28. May weiter gemeldt ist.

Item in dem Kloster Teutsch / gen Eöln vber gelegen / die erhebung etlicher Reliquien der H. Königin vnd Marterin Bisule.

Item die erhebung der H. Junckfrawen vnd martelerin Florentie / von S. Bisule Gesellschaft.

Item des H. Propheten Osee / der von dem Geschlecht Isachar / vnder vier Königen Juda geweissagt / vnder welchen der letzte Ezechias war. Hat auch vnder andern klärlich weissgesagt / das Christus am dritten tag wider auffstehen soll / vnd die Juden in den letztenzeiten an Christum glauben werden.

Item des heyligen Propheten Aggei / welcher nach der widerkunft auß der Babylonischen Gefencknuß zu Jerusalem weissgesagt im anderen jar Darij / auch das Volk zu wider auffbauung des Tempels hat ermahnt.

d Tertio nonas Iulij.

Der V. Tag im Heymonat.

In Syria ist heut der Geburtstag des heyligen Marterers Domitij / welcher mit seinen wunderzaiten den Inwonern daselbst vil Wohlthat beweist.

Item zu Rom der hayligen Marterin Zoe / so ein

ein Haußfraw Nicoftrati war/ als sie sechs jar blind gewesen/ ist sie von S. Sebastiano gesehend gemacht/ vnd sampt irem Mañ vnd andern vilen bekört worden. Darumb als sie bey der begräbnuß des heiligen Apostels Petri betet/ ward sie gefangen/ zu dem Schiffherrn geführt/ vnd in ein finstere gefencknuß gelegt/ darnach bey dem halß vnd haaren an ein baum auffgehengt/ vnd ein scheußlicher rauch vnder sie gemacht/ hat also in der bekännuß des Herrn ihren Gaist auffgeben/ vnder dem blütgirtigen Kayser Diocletiano.

Item zu Trier des H. Erzbischoffs vnd Beichtigers Numeriani.

Item zu Cantuaria in Engeland/ des H. vnd berühmten Bischoffs Anselmi/ der vil gäts in der Kirchen Gottes geschriben vnd verschaffen hat.

Item die erhebung des heiligen Beichtigers Wendelini/ vonn wellichem hernach am 21. tag Weinmonats weyter.

Item die begräbnuß des H. Beichtigers Valerij/ ersten Conforanschen Bischoffs.

e Pridie nonas Iulij.

Der VI. Tag im Hewmonat.

Gut ist der achte tag des Apostolischen Fests der heiligen fürnembsien zwölffboten Petri vnd Pauli. An welchem tag auch S. Paulus erstlich in die Statt Rom kommen/ nemlich in dem andern jar des Kayfers Neronis.

Item in Judea des heiligen vnd Euangelischen Propheten Esaie. Diser war von Edlem Geschlechte

Na ij

Anno Dñk
59.
Actoz. 28